

如果情真罪當別無寬抑就便依律處決將首
級發去彼劫地方梟令示衆本院仍依行內外
問刑衙門今後果有似前情重強盜俱照此例
隨即奏
請處決一體梟首庶使強盜知警地方獲寧

奏禁盜安民事

弘治元年九月十四日刑部寺衙門尚書等官
何 寺題為興利除害安養軍民等事

成化十二年二月太子少保都察院左都御史
李賓等奏

往京城內外有等遊手好閑不務生理強橫少壯之徒專
一沿街索討酒食財物至夜隨處宿歇遇有盜
賊隨同打劫及至被獲追問同起之人姓名不
知面目不識况又分贓不多今後遇有此等之
人合行五城兵馬司捉拿赴官軍發原衛民發
有司收管

前件首得遊手好閑之徒犯有盜罪等項
事發又有應得罪名若捉拿不行問罪止
足轉發着役收管反致輕縱兇徒難以示
戒此例可革

一強盜殺人放火姦人妻女劫庫情真者奏
請得旨之日再審無完即時處決象令

弘治五年十月初七日戶部等衙門尚書等官
葉等題為公務事

計聞

一正刑憲以警強暴切見山東地方南至徐
州北至河間以至通州一帶往往強盜生
發或騎坐響馬截路劫掠或結成群黨流
劫鄉村或邀舡隻殘害客人或突入閨廟
打劫官庫殺人放火視為尋常姦人妻女
肆無忌憚汎其過惡罪不容誅以所犯問
強盜則決不待時蓋惡之切不敵其久生
於世以嘉我良善也我

朝列聖相承體

天地好生之德雖強盜亦須照例奏

請監候必待霜降後審歸處決然此等強盜在監日久設

計百出自知惡貫滿盈難以逃生或買求
獄卒自尋死路者或假以疾病用藥毒死